

Yeshua un Israelita; E Heredero di Dios!!!

E Hustisia di Dios ta bisa ku ora e momento ku **Dios** a stipulá a yega, **EL** a manda **Su Yu**, ku a nasé di un hende muhé i ku tabata someté na **Lei di Moises**, pa asina **Reskatá** e **Hebreo** nan ku tabata sometí na **Lei** i tambe pa hasi ku **abo**; e **Hebreo**, por bira **yu Adoptivo di Dios**. I esaki ta e **Prueba** ku **abo ta yu: Dios** a manda **Spiritu di Su Yu** den **abo** su **Kurason** i e **Spiritu** akí ta sklama: '**Abba, Tata!**' Ke men antó ku **abo no ta katibu** mas, pero **yu di Dios** i ta **Dios Su Boluntad** pa **abo**, komo **yu**, bo ta **Heredero** tambe! (**Galatanan 4:4-7**). **Yeshua un Israelita; E Heredero di Dios!!!**

Yeshua un Israelita; E Heredero di Dios!!!

Dios no ta manera hende, **E** no sa **gaña**, **E** no ta manera yu di hende, **E** no ta haña **duele** di loke **E** bisa. Lo **E** bisa un **kos**, keda **sin** hasié? **Primintí** algu i keda **sin** kumpli kuné? (**Numbernan 23:19**).

Yeshua un Israelita; E Heredero di Dios!!!

Awor aki den **2021** **abo** por ta **puntra** **abo** mes ku **abo** ta un **Heredero di Dios? Dios** a **primintí Abraham** i su **desendientenan** ku nan lo ta **Heredero di Dios** i lo haña **mundu** komo **propiedat**. **Abo** ta un **desendiente di Abraham**, esaki ke-men **ku** **abo** tambe ta un **Heredero**. **Awor** si **Abraham** tabata un **Hebreo**, esaki ta **nifiká** ku **abo** tambe ta un **Hebreo**. Esta un **Heredero Hebreo** meskos ku **Esun Ungi di Dios**.

Yeshua un Israelita; E Heredero Hebreo di Dios, no a bini na mundu pa **kambia**, pa **abolí** òf pa **pone un fin** na **Enseñansa di e Lei (Torah)** i di e **Profetanan**. Al kontrario **Esun Ungi, Mesias un Israelita, E Heredero Hebreo di Dios** a bini pa na mundu pa **abo** por **kompredé Kompletamente**, loke e **Enseñansa**, e **Lei (Torah)** ta **nifiká Bèrdaderamente**.

Yeshua un Israelita; E Heredero di Dios!!!

Den e pida di e **Torah** ku mester **lesa** e **siman** aki (*Parasha Vayishlach; Génesis 32:4 - 36:43*), tin entre otro e **historia di Yakob** ku a **Bringa ku Dios**. Asina ta ku ora e **Hòmber** a ripará ku e **no** por a gana **Yakob**, el a dal **Yakob** riba su hep te saka e **hep** for di lugá. Despues e **Hòmber** a bis'é: 'Laga mi bai, **ya di dia** ta kuminsá habri.' **Yakob** a kontest'é: '**Mi no ta laga Bo** bai si **Bo no Bendishoná** mi.' E **Hòmber** a puntr'é: 'Kon yama bo?' El a respondé: '**Mi yama Yakob**.' E ora ei e **Hòmber** a bis'é: 'Lo **bo no yama Yakob** mas; pero **Israel** pasobra bo a **Lucha** ku **Dios** i ku **hende** i bo a sali **Ganadó**.'

Yakob tabata un **Heredero** for di **nasementu**. Dikon **Yakob** a bringa ku **Dios**? Akinan nos ta **mira** kiko **tradukshon** di e **Palabra** ta hasi. E **Lei (Torah)** i e **Profetanan** ta skirbi na **Hebreo** i loke a **wordu tradusí** na Ingles, hulandes of papiamentu **no** ta laga **abo** mira tur e **Esensia di e Enseñansa**. E **Hòmber** ku **Yakob** a **Lucha** kuné tabata un di e **Arkangelnan di Dios**. Tur esnan **Humilde** ta risibi e **Esensia** aki. **Yeshua un Israelita; E Humilde di Dios!!!**

21 novèmber 2021

Sea Bendishoná ku e **Amor di Dios Tata; Yeshua Mesias**
Un Fiel Sirbidó di Dios,
Remsly L Riley.